

Komisija za izbor akademskog osoblja – docenta na naučnu oblast „Upravno-pravna“ na Fakultetu za upravu u sastavu:

Doc. dr. Emir Mehmedović, docent Fakulteta za upravu UNSA, predsjednik Komisije, Oblast: Upravno-pravna

Prof. dr. Nermin Lapandić, vanredni profesor Fakulteta za upravu UNSA, član Komisije, Oblast: Upravno-pravna

Prof. dr. Emir Tahirović, vanredni profesor Fakulteta za upravu UNSA, član Komisije Oblast: Državno-pravna

Sarajevo, 18. 08. 2022. godine

**NAUČNO-NASTAVNO VIJEĆE
FAKULTETA ZA UPRAVU - PRIDRUŽENA ČLANICA
UNIVERZITETA U SARAJEVU
SARAJEVO**



Na osnovu Zakona o visokom obrazovanju, Pravila Univerziteta u Sarajevu, Pravila Fakulteta za upravu Univerziteta u Sarajevu, Odluke Naučno-nastavnog vijeća Fakulteta za upravu, broj: 311-2/22 od 06.06.2022. godine, te saglasnosti Senata Univerziteta u Sarajevu, broj: 01-9-4/22 od 29.06.2022. godine, raspisan je konkurs za izbor akademsko zvanje docent na Upravno-pravnu naučnu oblast.

Na konkurs, koji je objavljen 01.07.2022. godine na web stranici Fakulteta za upravu (www.fu.unsa.ba) i štampanim medijima, prijavio se jedan kandidat, dr. Rijad Delić, navodeći u prijavi da se prijavljuje za izbor u zvanje docenta.

Na osnovu Odluke Naučno-nastavnog vijeća Fakulteta za upravu broj: 428-2/22 od 18.07.2022. godine imenovani smo za članove Komisije za izbor akademskog osoblja – docenta na naučnu oblast „Upravno-pravna“ na Fakultetu za upravu u Sarajevu.

Prema Potvrdi Službe za pravne i personalne poslove Fakulteta za upravu broj: 427/22 od 15.07.2022. godine Komisija je utvrdila da je kandidat dr. Rijad Delić blagovremeno dostavio potpunu dokumentaciju, usklađenu sa uslovima iz Konkursa i predviđenu zakonskim

propisima i drugim aktima (čl. 96. i 115. Zakona o visokom obrazovanju KS, i čl. 194., 201., 202. i 203. Statuta Univerziteta u Sarajevu).

Minimalni uslovi za izbor akademskog osoblja u naučnonastavno zvanje docent na visokoškolskoj ustanovi, propisani članom 96. i 115. Zakona o visokom obrazovanju ("Sl. novine Kantona Sarajevo" br. 33/17) i članovima 194., 201., 202. i 203. Statuta Univerziteta u Sarajevu su:

- naučni stepen doktora u oblasti za koju se bira,
- najmanje tri naučna rada iz oblasti za koju se bira objavljena u priznatim publikacijama koje se nalaze u relevantnim naučnim bazama podataka,
- pokazane nastavničke sposobnosti.

Uz svoju prijavu kandidat dr. Rijad Delić priložio je biografiju/CV (u štampanoj i elektronskoj formi), izvod iz matične knjige rođenih, uvjerenje o državljanstvu, diplomu o sticanju zvanja doktora upravnih nauka, spisak objavljenih radova sa naznakom autorstva (u štampanoj formi), te potvrdu Fakulteta za upravu kojom se potvrđuje njegovo učešće u nastavnom procesu u svojstvu demonstratora-stručnjaka iz prakse, tokom akademske 2020/2021.godine.

Na osnovu pregleda Prijave i priložene dokumentacije, Komisija podnosi Vijeću Fakulteta za upravu Univerziteta u Sarajevu slijedeći:

I Z V J E Š T A J

1. BIOGRAFSKI PODACI

Dr. Rijad Delić rođen je 16.08.1984. god. u Karaljevićima, općina Zvornik, gdje je završio osnovno obrazovanje. Svršenik je Behram-begove medrese u Tuzli. Osnovni-diplomski studij završio je na Univerzitetu u Sarajevu, na Fakultetu islamskih nauka. Na Fakultetu za upravu u Univerzitetu u Sarajevu, 2018. godine, stekao je zvanje magistar uprave, odbranivši magistarski rad na temu "Osiguravanje vladavine prava kroz spor pune jurisdikcije". Na istom fakultetu je 2022. godine, odbranio doktorsku disertaciju na temu „Institut upravno-sudske zaštite u funkciji unaprjeđenja vladavine prava u BiH“.

Kandidat se aktivno služi engleskim jezikom, arapskim i njemačkim jezikom. Koristi se naprednim modulima informacionih tehnologija i posjeduje adekvatno nastavno-pedagoško iskustvo.

2. PROFESIONALNI ANGAŽMAN

Dr. Rijad Delić je zaposlen u Muftijstvu sarajevskom od 2014. godine, gdje je u periodu od 2014. do 2018. godine obavljao poslove sekretara Muftijstva, da bi od 2018. godine bio imenovan za rukovodioca Službe za pravne i administrativne poslove Muftijstva sarajevskog, što i danas obnaša.

U akademskoj 2020/21. godini, po osnovu Ugovora o djelu, bio je bio je angažiran na Fakultetu za upravu UNSA na poslovima demonstratora-stručnjaka iz prakse na predmetima: Kancelarijsko poslovanje i arhivistika, Posebni upravni postupci te Radno pravo i socijalna zaštita.

3. NAUČNO-ISTRAŽIVAČKI RAD

3.1. Naučni radovi u časopisima i zbornicima koji prate relevantnu međunarodnu bazu podataka

1. Rijad Delić, "Upravni spor pune jurisdikcije u Bosni i Hercegovini i državama jugoistočne Evrope", Časopis "Uprava" 2/20.

(Indeksirano: EBSCO Publishing, CEEOL (Central European Online Library), Research Bible, MIAR – Information Matrix for the Analysis of Journals, Google Scholar, Erih Plus, Directory of Research Journals Indexing, International Scientific Indexing, CiteFactor and EuroPub database.)

U radu se opisuje upravni spor pune jurisdikcije kao jedna vrsta upravnog spora kroz koju građani brže ostvaruju i osiguravaju svoja prava. Ova vrsta spora analizirana je iz perspektive postojećih zakonskih rješenja iz ove oblasti u Bosni i Hercegovini. U sporovima pune jurisdikcije, sud je dužan i ovlašten ne samo ispitivati pravilnost i zakonitost upravnog akta koji se pobija tužbom, nego i meritorno riješiti upravnu stvar svojom presudom. U tom slučaju sud istovremeno postupa i kasatorno (poništava nezakoniti upravni akt) i meritorno (donoseći presudu koja u potpunosti zamjenjuje poništeni upravni akt). Koristeći komparativnu metodu, izvršena je analiza sudske nadležnosti u rješavanju upravnog spora u Bosni i Hercegovini te državama regiona jugoistočne Evrope koje su bile sastavni dio bivše Jugoslavije (Srbija, Hrvatska, Slovenija, Crna Gora i Makedonija). Ključne riječi: uprava, upravni spor, puna jurisdikcija.

2. Rijad Delić, "Političko-ustavni položaj i organizacija lokalne samouprave u Republici Kosovo," *Časopis za društvene humanističke studije, UNTZ*, DHS 2 (15) (2021), 207-224. (Indeksirano u: CEEOL, Index Copernicus International World of Journals, Index Copernicus Journals Master List, Erih Plus, DOAJ, EBSCO, Slavic Humanities Index, MIAR, ISI, OAJI, Google Scholar, OpenAIRE, Scilit, JournalTOCs and OCLC. It is also included in Electronic Journals Library of University of Regensburg).

Rad analizira organizaciju lokalne samouprave u Republici Kosovo kroz prizmu Ustava, Zakona o lokalnoj samoupravi i drugih zakona koji utiču na rad i funkcioniranje općina. U društvenom kontekstu lokalna samouprava je vrlo važna. Građani kroz nadležnosti lokalne samouprave ostvaruju većinu svojih prava. Evropskom poveljom o lokalnoj samoupravi Vijeće Evrope je postavilo standarde lokalne samouprave koje implementiraju njene članice. Kosovo nije članica Vijeća Evrope, ali kroz UNMIK uredbe, te svoje normativne akte primjenjuje standarde Povelje. Republika Kosovo, uz pomoć međunarodne zajednice i nevladinih organizacija, teži postati moderna, demokratska država i članica Evropske unije. Na tom putu Kosovo provodi reforme potrebne za usaglašenost sa aktima EU. Namjera je da se ovim radom, pored predstavljanja organizacije lokalne samouprave na Kosovu, utvrdi u kojoj mjeri je Zakon o lokalnoj samoupravi usaglašen sa Evropskom poveljom o lokalnoj samoupravi.

Ključne riječi: Kosovo; ustav; lokalna samouprava; Evropska povelja o lokalnoj samoupravi, organizacija.

3. Emir Tahirović, Ermin Kuka, Rijad Delić, "Promoting inclusive society in the new norm: a lesson from Bosnia and Herzegovina", *Časopis "Uprava"* 2/21.

(Indeksirano: EBSCO Publishing, CEEOL (Central European Online Library), Research Bible, MIAR – Information Matrix for the Analysis of Journals, Google Scholar, Erih Plus, Directory of Research Journals Indexing, International Scientific Indexing, CiteFactor and EuroPub database.)

U radu se govori o ulozi Države da temeljem pravnog normiranja i kroz finansijsku potporu, potiče sicijalnu inkluziju, budući da je to jedini način i osnov za obezbjeđenje preveniranja i spriječava-nje svih oblika diskriminacije socijalno isključenih grupa građana. Potpora takvim projektima povećava mogućnosti za obrazovanje i kasnije zapošljavanje, te umanjuje opasnost od socijalne

isključenosti i siromaštva socijalno isključenih kategorija. Prezentirana studija slučaja pokazuje da će razvoj i provedba ciljanih programa inkluzivnog obrazovanja dati odlične rezultate u pogledu osnaživanja ove marginalizirane kategorije kroz poboljšanje uvjeta njihovog obrazovanja bez fizičkim i psihičkim barijerama, kao i stvaranje pretpostavki za unapređenje njihovog kasnijeg zapošljavanja, te integraciju na tržište rada.

4. Rijad Delić, *Role of Islamic Community in BiH in Fight against Covid – 19 Pandemic*, Časopis "Religions", Doha (Qatar), Iss. 14, (Jan 2021): 88-101. (Indeksirano u: Proquest/Klarivate, EBSCO, SHERPA/ROMEO, Google Scholar, Scilit, Index islamicus).

U radu se govori o upravnoj organizaciji islamske zajednice, te ukratko predstavljaju nadležnosti organa islamske zajednice. Također, kroz rad je predstavljena uloga islamske zajednice i njenih organa u borbi protiv Pandemije covid 19. Autor je kroz ovaj rad predstavio normativne pozicije priznatih vjerskih zajednica u BiH, te ukazao na značaj fetvi kao pravnih rješenja koje je Vijeće muftijstva Islamske zajednice donosilo tokom pandemije.

3.2. NASTAVNO-PEDAGOŠKI RAD

Kandidat dr. Rijad Delić, je tokom akademske 2020/21. godine, radeći kao demonstrator na predmetima: *Posebni upravni postupci, Kancelarijsko poslovanje te Radno pravo i socijalna zaštita*, pokazao da posjeduje izražene predavačke sposobnosti.

4. MIŠLJENJE I PRIJEDLOG KOMISIJE

Na osnovu analize dokumentovanog naučnog, nastavno-pedagoškog i stručnog rada članovi Komisije za izbor akademskog osoblja – docenta na naučnu oblast „Upravno-pravna“ na Fakultetu za upravu konstatuju da kandidat, dr. Rijad Delić, ispunjava sve uslove tražene konkursom kao i odredbama Zakona o visokom obrazovanju Kantona Sarajevo i Statuta Univerziteta u Sarajevu za izbor u zvanje docenta na naučnu oblast „Upravno-pravna“.

Dakle, kandidat ispunjava minimalne uslove za izbor akademskog osoblja u naučnonastavna zvanja na visokoškolskoj ustanovi koji se odnose na izbor nastavnika u zvanje docent i to:


- naučni stepen doktora upravnih nauka,
- najmanje tri naučna rada iz oblasti za koju se bira objavljena u priznatim publikacijama koje se nalaze u relevantnim naučnim bazama podataka,
- pokazane nastavničke sposobnosti.

Na osnovu prethodno izloženih činjenica, Komisija konstatuje da kandidat dr. Rijad Delić ispunjava sve uslove predviđene Zakonom o visokom obrazovanju Kantona Sarajevo i Statutom Univerziteta u Sarajevu za izbor u zvanje docent na Upravnopravnu naučnu oblast te predlaže Vijeću Fakulteta za upravu da izabere dr. Rijada Delića u zvanje docent, na „Upravno-pravnu“ naučnu oblast.


Sarajevo, 25.08.2022. godine

ČLANOVI KOMISIJE:

Doc. dr. Emir Mehmedović, predsjednik Komisije



Prof. dr. Nermin Lapandić, član



Prof. dr. Emir Tahirović, član

